

# عزة النفس

ينجرح قلب.. لكن ترتفع هامه  
والله امي لاموت ولا انحني راسي  
لو رماني زمانى وسط.. دوامه  
العواصف شديده .. والجبل راسي  
أنقل الحزن وامشي منتصب قامه  
قاسي الوقت .. لكني بعد قاسي  
واسمع الحلم يصرخ لحظه اعدامه  
رابط الجاش ... ماهز الخبر باسي  
عزتي غاليه .. والناس سوامه  
قلت ما بيع حتى تقطع انفاسي

زانت ايام عمري .. شانت ايامه  
مارجيت العزى من رحمة الناسي  
من عجز لا يدوس الهم باقدامه  
لازم انه مع الايام ينداسي  
يندمل جرح القلب .. ماتت احلامه  
بس ما اظن يبرى جرح الاحساس  
يوم صارت ما بين القلب والهامه  
وش ابي بالحياة اليا انحني راسي

مساعدة الرشيدى

# كبرياء فرعون

الوفى خصمى وكرهى له باين بالصدور  
تعشقين الغدر وقلبى ما وفى بقلب (ن) حزين  
لا هيه بالغدر وأيدج بس تطعن بالضيهور  
ومدري شنهو تستفيده لا بغيتي تطعنين  
جايده دورج ولكن ماتصيديني بدور  
انا لامني عشقت غصب انتي تعشقين  
والغدر اللي تبينه ما أظن عندي يدور  
لني أملك من وصوف (ن) صعبه انج تملكين  
صبر أيوب وخداع أبلis جعله مايثور  
وقوة الفارس صلاح الدين اللي له ندين

كبرياء فرعون وحنكة حضرموت والغرور  
يشبه غرور المدمر هتلى اللي تعرفين  
وبالطغاة مثل صدام العراقي ما أشور  
أأكل وأفعل اللي شافته عين (ن) وعين  
أفهمي قصدي وعقلج لا يجي عندي يخور  
ما هو انتي يا فلانة من قدر فيني يهين  
حاولو قلبج اوادم دمهم دايم يثور  
ومقدر بللي تبينه جان قصدج ماتبين  
سعد علوش

